

Բաւական է, ինչքան որ տուժեց հաստատութեան համբաւը, հերկը է տանջուին մեր ազգային նահատակ հայ վարժապետները անորոշութեան ու պատահականութեան պատճառով. թող բաւական համարուին նաև աշակերտութեան անգիտակցաբար կրած վնասները՝ թէ ըստ բարոյականին և թէ ըստ ուսումնականին:

Մայր Աթոռի ձեմարանի բարեկարգութեան խնդիրն է գլուած մէջտեղ և ով որ ցանկանում է ձեմարանից հայ ժողովրդին ու հայ գիտութեանը օգտակար մարդիկ դուրս եկած տեսնել, պէտք է իւրովսանն աշխատի ձեմարանը բարեկարգ վիճակի մէջ դնելու համար: Այդ է պահանջում թէ Հայոց եկեղեցու, թէ հայ ժողովրդի, թէ հայ հոգևորականութեան և թէ նոյն իսկ ձեմարանի ուսուցիչների և որ գլխաւորն է, աշակերտների շահը:

Յուլանդ, վարդապետ

Մ Ա Յ Ր Ա Թ Ո Ր

Արձակուրդից Մայր Աթոռ վերադարձան Տ. Տ. Մատթէոս և Արտակ վարդապետները:


Ագուլիսի Թովմա Առաքելոյ վանքի վանահայրութիւնից հրաժարուելով, Մայր Աթոռ վերադարձաւ Տ. Մեսրոպ վարդապետ Մաքսուտեանը:

«Արարատ»ի խմբագիր Տ. Գարեգին վարդապետ Յովսէփեանը Տիփլիսի Մայր եկեղեցու երեցփոխանի գլուոր առաջարկութեան և թեմական առաջնորդ Գարեգին արքեպիսկոպոսի հեռադրական միջնորդութեան համաձայն, իրաւունք ստացաւ ազգիս Վեհափառ Հայրապետից Տիփլիս

մեկնելու, այնտեղ Մեծի պահոց ընթացքում քարոզներ խօսելու համար։ Այժմ Տ. Գարեգին վարդապետը գտնուում է Տփլիսում։

Մեծի պահոց երկրորդ շաբաթուանից սկսուած են Մայր Աթոռի հոգևոր ձեմարանի հարցաքննութիւնները։ Մանկավարժական ժողովը որոշել էր հրապարակական քննութիւն անել ըստ դասարաններում աւարտական առարկաներից, բայց զիջանելով աշակերտների պահանջին, կրկին ժողով անելով որոշեց հրապարակական քննութիւն անել միայն լսարաններում, վերացնել միւս դասարանների քննութիւնները, իսկ Զ. դասարանի համար բաւականաշալ դասարանական քննութիւններով։ Տփլիսից վերադարձել են և արտակարգ քննութիւն են տալիս նաև երկու ամիս առաջ հեռացած աշակերտները։

Քննութիւնների ցուցակը ամեն տարի տպւում էր և բաժանւում միաբաններին, որպէս զի ցանկացողները կարողանային ներկայ գտնուել իրենց ուզած առարկաների քննութեանը։ Այս տարի այդ էլ չարեց ներկայ վարչութիւնը։ Պատճառները մեզ անյայտ են։ Արհամարհանք է այդ դէպի միաբանութիւնը, չկամութիւն թէ մի այլ բան, միևնոյն է. մենք դատապարտում ենք այդպիսի վերաբերմունքը, որ կարող է միայն սառնութիւն և ատելութիւն յառաջ բերել ձեմարանի և միաբանութեան մէջ։



† Մ Կ Ր Տ Ի Զ Պ Ա Լ Ե Ա Ն

(1834—1907)

Ներկայ թուականի յունուար 13-ին կնքեց իւր մահկանացուն Մկրտիչ Պալեանը երևանում և մեծ շքով թաղուեցաւ։

Հանդուցեալը ծննդեամբ Տրապիզոնից էր, իսկ կըրթութիւնը Վենետիկի Մխիթարեանց մօտ ստացել։ Նորա